



BOSNA I HERCEGOVINA
FEDERACIJA BOSNE I HERCEGOVINE
Kanton Sarajevo
Grad Sarajevo
OPĆINA CENTAR SARAJEVO
OPĆINSKI NAČELNIK

U skladu sa Budžetskim kalendarom za donošenje Budžeta Općine Centar Sarajevo za 2022. godinu, Općina Centar Sarajevo raspisuje

JAVNI POZIV

za dostavu prijedloga projekata iz oblasti komunalne infrastrukture za Nacrt Budžeta Općine Centar Sarajevo za 2022. godinu

Cilj Javnog poziva je utvrđivanje prioriteta za finansiranje iz Budžeta Općine Centar Sarajevo za 2022. godinu.

Sredstva će se odobravati za projekte koji ispunjavaju minimalno jedan od slijedećih uslova:

1. utiču na poboljšanje kvaliteta života građana i imaju opći značaj
2. utiču na unapređenje lokalnog ekonomskog razvoja općine Centar Sarajevo
3. utiču na unapređenje zaštite okoliša, urbanog razvoja i komunalne infrastrukture

Vrednovanje projekata vrši se u skladu sa slijedećim kriterijima:

1. za prijedloge iz oblasti zaštite okoliša, urbanog razvoja i komunalne infrastrukture:

Oznaka	Kriterij	Težina kriterija (1-5)
1.1.	Dugoročna korist zajednici	5
1.2.	Nadležnost lokalne zajednice	4
1.3.	Izražena potreba stanovnika kroz procenat krajnjih korisnika	5
1.4.	Uticaj na sigurnost	5
1.5.	Uticaj na okolinu	4
1.6.	Projektna dokumentacija	3
1.7.	Riješeni imovinsko-pravni odnosi	3
1.8.	Stepen ranijih ulaganja Općine na predmetnom lokalitetu	2

Radovi koji se odnose na redovno održavanje ne smatraju se projektima i isti će se rješavati u proceduri redovnog održavanja kao što su:

- sanacija manjih oštećenja na kolovozima, stepeništima i pješačkim komunikacijama,
- sanacija javne rasvjete,
- postavljanje saobraćajne signalizacije,
- sanacija dječijih igrališta,
- uređenje manjih javnih površina.

2. za prijedloge iz oblasti lokalnog ekonomskog razvoja:

Oznaka	Kriteriji:	Težina kriterija (1-5)
2.1.	Unapređenje lokalnog ekonomskog razvoja općine Centar Sarajevo	5
2.2.	Uticaj na zapošljavanje	5
2.3.	Inovativnost	4
2.4.	Uvođenje novih tehnologija	3
2.5.	Model finansiranja	4
2.6.	Održivost projekta	5
2.7.	Uticaj na okolinu	5

Uslovi za razmatranje prijedloga projekata:

- riješeni imovinsko-pravni odnosi
- usklađenost projekta sa važećom prostorno planskom dokumentacijom

Nosioci aktivnosti vrednovanja projekata su nadležne službe Općine Centar Sarajevo.

Pravo predlaganja projekata imaju građani, savjeti mjesnih zajednica, institucije, poduzetnici, općinske službe, kao i svi drugi koji imaju projektну ideju od interesa za veći broj građana, izuzev organizacija civilnog društva čiji su projekti predmet posebnih javnih poziva.

Prijedlozi se dostavljaju isključivo na OBRASCU 1:

1. prijedlog za projekte iz oblasti zaštite okoliša, urbanog razvoja i komunalne infrastrukture na OBRASCU 1.

Obrazac prijedloga se može preuzeti:

- u prostorijama mjesnih zajednica općine Centar Sarajevo
- sa web stranice Općine Centar Sarajevo (www.centar.ba) u Word formatu

Prijedlozi projekata, sa naznakom za Javni poziv za prijedloge projekata za Nacrt Budžeta Općine Centar Sarajevo za 2022. godinu, na propisanom obrascu mogu se predati:

- sekretarima mjesnih zajednica za prijedloge projekata iz oblasti zaštite okoliša, urbanog razvoja i komunalne infrastrukture (obrazac 1);

Javni poziv je otvoren 15 dana od dana objavljivanja u dnevnim novinama i web stranici Općine Centar Sarajevo (www.centar.ba).

Nepotpuni i neblagovremeno dostavljeni obrasci neće se razmatrati.

Izveštaj po obavljenoj ocjeni predloženih projekata iz oblasti urbanog razvoja i komunalne infrastrukture bit će objavljen na web stranici Općine Centar Sarajevo u okviru izvještaja o provedenoj javnoj raspravi o Nacrtu Budžeta Općine Centar Sarajevo za 2022. godinu.

Dodatne informacije ili pomoć u vezi sa popunjavanjem i predajom obrazaca mogu se dobiti u prostorijama mjesnih zajednica i putem Službe za investicije, komunalni razvoj i planiranje.

OPĆINSKI NAČELNIK

Broj: 03-19-4367/21
Datum: 09.08.2021.

Srđan Mandić